

Na osnovu rješenja Ministarstva Finansija Federacije BiH br: od godine objavljujemo:

Pravila nagradnog programa „Zlatno S za najbolji rad iz oblasti ekonomije i bankarstva“

Član 1 – Naziv i sjedište Organizatora Programa preporuka

Sparkasse Bank dd BiH; Zmaja od Bosne 7; 71000 Sarajevo, ID broj; 4200128200006; PDV Broj: 200128200006; Matični broj: 1-21946 (65-02-0006-08); Poreski br. 1076741

Član 2 – Svrha i cilj nagradnog programa

Svrha nagradnog programa je uspostavljanje tradicionalne nagrade Sparkasse Bank dd BiH „Zlatno S za najbolji rad iz oblasti ekonomije i bankarstva“ sa ciljem poticaja stručnog i istraživačkog rada, i time doprinosa stvaranju ambijenta u kojem će se pronalaziti rješenja za razvoj i ekonomski prosperitet BiH.

Član 3 – Naziv nagradnog programa

Nagradni program/natječaj će se provoditi pod nazivom „Zlatno S za najbolji rad iz oblasti ekonomije i bankarstva“

Član 4 - Period nagradnog programa

Program će trajati, odnosno aplikanti će moći **prijaviti svoj stručni rad u periodu 12.09.2025. – 28.02.2026. godine.**

Član 5 - Teritorij odvijanja nagradnog programa

Nagradna igra provodit će se na teritoriji Federacije BiH.

Član 6 - Opis nagradnog programa

Kandidati nominuju svoje visoko stručne radove iz oblasti ekonomije i bankarstva, a koji nude empirijski, istraživački ili analitički potkrijepljene prijedloge:

- rješenja za jedan/više specifičnih izazova ili problema ekonomije i bankarstva BiH
- boljeg korištenja šansi i potencijala ekonomije i bankarstva BiH
- radove na temu Cirkularne i zelena ekonomija

Radove će metodom bodovanja ocjenjivati će stručna Komisija sastavljena iz renomiranih članova akademske zajednice iz cijele BiH, a prema kriterijima:

- Kvalitet rada iz metodološkog, stručnog i naučnog aspekta
- Praktična aplikativnost i nivo uticaja na ekonomski boljitak BiH.

Rad sa najvećom ocjenom stručne Komisije bit će nosilac nagrade, te se u formalnoj saglasnosti sa autorom rada dalje promovirati ili publicirati kao prijedlog dobrih rješenja za ekonomiju BiH.

Član 7 – Proces prijave radova za nagradu

Za prijavu za nagradu, potrebno je da kandidati dostave na e-mail adresu: marketing@sparkasse.ba

- **Sažetak rada u zahtijevanoj formi do 31.12.2025. godine (opcionalno)**
- **Kompletiran rad do 28.02.2026.**

Član 8 – Kriteriji za učešće – vrsta radova koji se mogu prijaviti

Za nagradu se mogu nominovati visoko stručni radove iz oblasti ekonomije i bankarstva izrađeni namjenski za ovaj nagradni program ili već postojeći/publicirani radovi prilagođeni zahtijevanoj formi i obimu.

Član 9 - Kriteriji za učešće – vrsta radova koji se prijavljuje za nagradni program

Forma i struktura sažetka rada (naučni i stručni rad):

Maksimalno 300 riječi na jednom od službenih jezika Bosne i Hercegovine, bez referenci, slika, tabela i jednačina, elektronski Word dokument (Times New Roman ili Arial 12), uključivo:

- Ključne riječi (tri do pet), opći prikaz teme, problem istraživanja, metodologiju rada, naznaku rezultata, zaključak i eventualna ograničenja tokom istraživanja;
- Opis aktuelnog problem za bosanskohercegovačku ekonomiju i bankarski sektor koji je predmet istraživanja, svrhu istraživanja i korisnost za širu društvenu zajednicu;

Forma i struktura finalnog rada (naučni i stručni rad):

Maksimalno 3.000 riječi na jednom od službenih jezika Bosne i Hercegovine, elektronski Word dokument (Times New Roman ili Arial 12, sa dvostrukim proredom), slijedeći strukturu:

- Uvod/definisanje aktuelnog problema ili potencijala za bosansko-hercegovačku ekonomiju i bankarski sektor
- Istraživanja na temu ili iskustva rješavanja problema iz okruženja
- Prijedlozi mogućih rješenja i zaključak.

Završni radovi I i II ciklusa studija se dostavljaju u izvornoj formi.

Dodatne tehničke pojedinosti i smjernice u izradi rada će biti objavljene na www.sparkasse.ba

Član 10 – Pravo učešća u Nagradnom programu

Svoj visoko stručni rad za nagradu i program „Zlatno S za najbolji rad iz oblasti ekonomije i bankarstva“ mogu prijaviti:

- članovi akademske zajednice
- magistranti ili doktoranti ekonomskih fakulteta (iz BiH ili inostranstva)
- menadžeri iz kompanija u realnom ili javnom sektoru
- analitičari/stručnaci/istraživači iz oblasti ekonomije i bankarstva

Član 11 – Nagrada i nagradni fond (sa PDV-om)

U okviru programa će se dodijeliti jedna nagrada za najbolje ocijenjeni rad, a ona se sastoji iz:

- **Promocija i publiciranje rada** pod sponzorstvom Sparkasse Bank
- **Materijalne nagrade** u formi poklon vaučera koji će biti iskorišten za edukaciju ili nabavku popratnih usluga ili roba u svrhu edukacije, a koji se ne mogu zamijeniti za novac i to: .
 - o Nagrada za najbolji naučni rad – 3.000 KM
 - o Nagrada za najbolji stručni rad – 2.000 KM
 - o Nagrada za najbolji završni rad II ciklusa studija – 1.500 KM
 - o Nagrada za najbolji završni rad I ciklusa studija – 1.000 KM

Porez na dohodak obračunat će se u skladu sa Zakonom o porezu na dohodak.

Član 12 – Izuzeci učešća u Nagradnom programu

U nagradnom programu ne mogu učestovati:

- uposlenici bilo koje članice Erste, Steiermaerkische i Sparkasse bankarske grupacije
- članovi Komisije za ocjenu radova, kao ni osobe koje su sa njima u srodstvu.

Član 13 – Objava pravila Nagradnog programa

Odobrena Pravila će biti objavljena prije početka nagradnog programa na službenoj stranici Sparkasse Bank www.sparkasse.ba, a sažetak u jednom štampanom mediju koji se distribuira na području Federacije BiH.

Član 14 – Proglašenje dobitnika nagrade

Odabir i proglašenje dobitnika će se izvršiti od strane Komisije na bazi prethodno obavljene evaluacije radova u sjedištu Sparkasse Bank, Zmaja od Bosne 7, Sarajevo u 12h, **31.03.2026. godine**. Pored glavnog dobitnika, bit će izvučen i jedan alternativni dobitnik.

Član 15 – Komisija

Prijavljene radove za nagradu „Zlatno S za najbolji rad iz oblasti ekonomije i bankarstva“ ocjenjivat će i selekcionirati Komisija u sastavu:

- prof. dr.sc. Igor Živko, predsjednik komisije
- prof. dr.sc. Meldina Kokorović-Jukan, članica
- prof. dr.sc. Dejan Mikerević, član
- prof. dr.sc. Dženan Kulović, član
- prof.dr.sc. Dijana Vuković, članica

Član 16 – Zapisnik proglašenja dobitnika

Za svaku sjednicu Komisije za evaluaciju radova kao i sjednicu proglašenja dobitnika nagrade, sačinit će se zapisnik u skladu sa Članom 12. Stav 4. Pravilnika o sadržaju pravila, uslovima i načinu privređivanja nagradnih igara.

Član 17 – Obavještenje i objava imena dobitnika

Dobitnici će biti objavljeni na na službenoj stranici Sparkasse Bank www.sparkasse.ba. Organizator će najkasnije u roku od 8 dana od dana izvlačenja, obavijestiti dobitnike i email-om o osvojenim nagradama.

Član 18 – Preuzimanje nagrada

Nagradni dobitak će se dobitniku uručiti lično u prostoru Centrale Sparkasse Bank. Dobitnici mogu preuzeti nagrade najkasnije u roku od 30 dana od dana obavijesti o osvojenoj nagradi.

Ako dobitnik u navedenom roku, ne preuzme osvojenu nagradu, kao i u ostalim slučajevima propisanim Pravilnikom o sadržaju pravila, uslovima i načinu priređivanja nagradnih igara, Organizator je dužan postupiti u skladu sa članom 11. navedenog Pravilnika

Član 19 - Odgovornost organizatora

Organizator preuzima odgovornost da pravovremeno i tačno informiše učesnika u nagradnoj igri o njegovim pravima i obavezama kod preuzimanja nagrada.

Organizator ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.

Član 20 – Obaveze dobitnika

Učestvovanjem u ovom Programu preporuka učesnici u cjelosti prihvataju gore navedena pravila, kao i:

- da se njihovi podaci o ličnosti koji su dostupni organizatoru čuvaju u skladu sa Zakonom o zaštiti ličnih podataka i da isti mogu biti korišćeni samo u svrhu za koju su dali saglasnost organizatoru,
- da se njihovo ime javno objavi u skladu sa pozitivnim propisima,
- da se njihovi lični podaci: ime, prezime, te eventualno slika i video material kreirani u vezi sa nagradnim programom, mogu od strane organizatora koristiti na način da se objave u štampanom, zvučnom, slikovnom i video materijalu uz prethodno datu pismenu saglasnost od strane dobitnika.

Učesnici i dobitnici u nagradnom programu saglasni su da je sav gore pomenuti materijal vlasništvo priređivača, te se obavezuju da će se uzdržati od bilo kakvih postupaka prema priređivaču po osnovu prava korišćenja i/ili vlasništva navedenog materijala.

Član 21 – Mogućnost otkazivanja Nagradnog programa

Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

U slučaju prekida ili otkazivanja nagradne igre usljed nastupanja vanrednih okolnosti, organizator će o navedenom obavijestiti Federalno ministarstvo finansija.

Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.

Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

Član 22 – Nadležnost suda

U slučaju spora, nadležan je Općinski sud u Sarajevu.

Sve žalbe, prigovore i reklamacije rješava organizator nagradne igre. U slučaju opravdanih pritužbi, organizator se obavezuje da će ih otkloniti u najkraćem mogućem roku i obavijestiti učesnika.

Broj protokola: 13833-02-09-2025

Datum: 01.08.2025.

Sparkasse Bank dd BiH

Elmira Lalić

Direktor Direkcije za marketing i komunikacije

